



Broj: 11-16-6-3093-19/25
Sarajevo, 19.2.2026. godine

U skladu sa članom 64. stav (1) tačka b), članom 70. stav 1., i 3., članom 71. stavom 1. i 2. Zakona o javnim nabavama („Službeni glasnik BiH“, broj 39/14, 59/22 i 50/24), člana 8., stav 2., pod c) Pravilnika o uspostavljanju i radu komisije za nabavke („Službeni glasnik BiH“, broj 103/14 i 49/23), na Preporuku Komisije za nabavku, broj: 11-16-6-3093-16/25, od 18.2.2026. godine, i člana 6. Odluke o organizaciji Sekretarijata Predsjedništva BiH, broj: 01-50-1-1497-44/13, od 8.5.2013. godine („Službeni glasnik BiH“, broj: 41/13), generalni sekretar, **donosi**:

ODLUKU

za izbor najpovoljnijeg ponuđača za nabavku auto-guma za potrebe Predsjedništva Bosne i Hercegovine

Član 1.

Okvirni sporazum za nabavku auto-guma za potrebe Predsjedništva Bosne i Hercegovine se dodjeljuje ponuđaču **EURO DAM JAS d.o.o. Lukavac**, koji je dostavio ponudu broj: 01/26 od 30.12.2025. godine, **sa ponuđenom cijenom nakon okončane E-aukcije u iznosu od 47.500,00 KM bez uključenog PDV-a, kao najbolje ocijenjenom ponuđaču.**

Umanjenje cijene ponude ostvareno na provedenoj E-aukciji iznosi 30,88%.

Član 2.

Prijedlog okvirnog sporazuma o nabavci bit će dostavljeno na potpis izabranom ponuđaču **EURO DAM JAS d.o.o. Lukavac**, u skladu sa Zakonom o javnim nabavkama.

Član 3.

Za izvršenje ove odluke zadužuje se i ovlašćuje Odjel za javne nabavke i logistiku, Odjel za transport i Odjel za ekonomsko-finansijske poslove.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu s članom 71. stav (2) Zakona o javnim nabavkama.

Član 5.

Ova odluka bit će objavljena na web-stranici www.predsjednistvobih.ba, u skladu sa članom 70. stav (6) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka izbora najpovoljnijeg ponuđača za nabavku auto-guma za potrebe Predsjedništva Bosne i Hercegovine, zaključivanjem okvirnog sporazuma sa jednim ponuđačem, na period do 12 (dvanaest) mjeseci, nakon provedenog otvorenog postupka, broj: 11-16-6-3093-1/25, od 12.12.2025. godine.

Procijenjena vrijednost javne nabavke iznosi 80.268,00 KM, bez uključenog iznosa PDV-a. Okvirni sporazum se zaključuje na vrijednost ponude izabranog dobavljača.

Obavještenje o javnoj nabavci broj: 926-1-1-218-3-73/25 objavljeno je na portalu E-nabavki 12.12.2025. godine.

Po Izvještaju o preuzimanju tenderske dokumentacije od strane ponuđača, dokumentaciju su preuzeli:

- Ponuđač: GUMA VP 200 DOO
- Ponuđač: BBS EUROPE
- Ponuđač: EKAPIJA
- Ponuđač: LIFE OIL
- Ponuđač: RPM GLOB TRADE DOO
- Ponuđač: PGL PROTECT DOO
- Ponuđač: TENDERI DOO
- Ponuđač: EURO DAM-JAS DOO
- Ponuđač: UNITRADE DOO
- Ponuđač: TOTAL TRADE DOO

Komisija za nabavke imenovana je Odlukom o imenovanju komisije za nabavke Predsjedništva Bosne i Hercegovine, broj: 05-16-6-2516-1/25, od 7.10.2025. godine.

Komisija za nabavke dostavila je 19.2.2026. godine Izvještaj o radu, broj: 11-16-6-3093-17/25, od 18.2.2026. godine, zapisnik o pregledu i ocjeni ponuda i Preporuku o izboru najpovoljnijeg ponuđača za nabavku auto-guma za potrebe Predsjedništva Bosne i Hercegovine, broj: 11-16-6-3093-16/25, od 18.2.2026. godine.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4;
- da su blagovremeno zaprimljene 3 ponude;
- da je neblagovremeno zaprimljena 1 ponuda;
- da su ponude ponuđača PGL Protect d.o.o. Lukavac i EURO DAM JAS d.o.o. Lukavac prihvatljive;
- da je ponuda ponuđača GUMA VP 200 d.o.o. Mostar nepravilna;
- da je ponuda ponuđača R.P.M Glob Trade d.o.o. Ljubuški neblagovremeno zaprimljena i vraćena neotvorena ponuđaču.

Pregledom i ocjenom ponuda je utvrđeno:

1. **Ponuda ponuđača EURO DAM JAS d.o.o. Lukavac** je dostavljena u skladu sa uslovima iz tenderske dokumentacije, te je prihvatljiva za ugovorni organ.

U ponudi ponuđača Euro-Dam Jas d.o.o. Lukavac uočena je računska greška, te je Komisija za nabavke prosljedila Obavještenje o ispravci računске greške broj: 11-16-6-3093-13/25 ponuđaču, koji je istog dana dostavio saglasnost za ispravku računске greške.

2. **Ponuda ponuđača PGL Protect d.o.o. Lukavac** je dostavljena u skladu sa uslovima iz tenderske dokumentacije, te je prihvatljiva za ugovorni organ.

Komisija za nabavke je ocjenila da treba zatražiti pojašnjenje dostavljenih dokumenata i dostavu originalnog dokumenta od ponuđača PGL Protect d.o.o. Lukavac.

Zahtjev za pojašnjenje broj: 11-16-6-3093-12/25, od 9.1.2026. godine, Komisija za nabavke poslala je ponuđaču, koji je dostavio pojašnjenje i originalan Aktuelni izvod iz sudskog registra od 9.10.2025. godine.

Naime, ponuđač je dostavio pojašnjenje u kojem je naveo da je tenderskom dokumentacijom propisano da ponuđač mora imati uspješno iskustvo u realizaciji najmanje jednog ugovora čiji se karakter i kompleksnost odnose na predloženi ugovor, u minimalnoj vrijednosti od 80.268,00 KM bez PDV-a.

Dostavljena potvrda se odnosi na ugovor čiji je predmet bila nabavka auto-guma uključujući putničke, poluteretne i teretne (kamionske) gume, te da kamionske gume spadaju u kategoriju auto-guma jer su namijenjene motornim vozilima, te se po svojoj prirodi i namjeni uklapaju u pojam auto-guma.

Predmet nabavke su auto-gume (oznaka i naziv: 34351100-3 gume za vozila) kako stoji u tenderskoj dokumentaciji, te da u tenderskoj dokumentaciji nije navedeno da se nabavljaju auto-gume za putnička motorna vozila.

Kako tenderskom dokumentacijom nije precizirano da se radi o nabavci auto-guma za putnička motorna vozila i kako je stručno lice u ime Odjela za transport koje je sačinjavalo specifikaciju za nabavku auto-guma (ljetno/zima) odgovorilo da se iz sačinjenje specifikacije može utvrditi da se radi o putničkim vozilima, jasno naznačenim SUV vozilima, kao i jednom poluteretnom vozilu pod rednim brojem 14. (ljetne /zimske) sa oznakom 215/65 R16C sa min indeksom nosivosti 109/107 i min indeksom brzine T, Komisija za nabavke je konstatovala da je ponuda dostavljena u skladu sa uslovima koje smo naveli u tenderskoj dokumentaciji i da je prihvatljiva.

Komisija za nabavke je izvršila poređenje dostavljenog originalnog Aktuelnog izvoda iz sudskog registra od 9.10.2025. godine i dostavljene ovjerene kopije Aktuelnog izvoda iz sudskog registra u sastavu ponude.

Naime, na stranicama ponude od 3. do 7. ponuđač je dostavio kopiju Aktuelnog izvoda iz sudskog registra koji je izdao Općinski sud u Tuzli od 9.10.2025. godine, gdje je na zadnjoj stranici stavljen pečat Službe za društvene djelatnosti i upravu-Grada Lukavac.

Na stranicama koje su numerisane brojevima od 3 do 6 nije stavljen pečat Službe za društvene djelatnosti i upravu-Grada Lukavca.

Poređenjem originalnog primjerka sa ovjerenom kopijom, Komisija za nabavke je utvrdila da nema odstupanja i da je kopija istovjetna originalu.

3. Ponuda ponuđača GUMA VP 200 d.o.o. Mostar je nepravilna.

Tačkom 2.11. tenderske dokumentacije ugovorni organ je definisao: „Ponuđači su obavezni popuniti polja koja se odnose na 'marku guma', 'indeks nosivosti' i 'indeks brzine', bez obzira da li nude minimalne indekse iz tabele ili veće vrijednosti (aneksi br.2 i 3)“.

Ispod Aneksa broj 2 i Aneksa broj 3 navedena je napomena:

„Ponuđači su obavezni popuniti polja koja se odnose na 'marku guma', 'indeks nosivosti' i 'indeks brzine', bez obzira da li nude minimalne indekse iz tabele ili veće vrijednosti.

Dakle, sva polja za marku guma, indeks nosivosti i indeks brzine moraju biti ispunjena i to i u slučaju da nudite iste (minimalno tražene) ili veće indekse od traženih“.

Uvidom u ponudu ponuđača broj: 433-12/25VP od 23.12.2025. godine Komisija za nabavke je utvrdila da ponuđač nije popunio polja koja se odnose na 'indeks nosivosti' i 'indeks brzine', te je ostavio prazna polja. Shodno gore navedenom, ponuda je ocijenjena kao nepravilna.

E–aukcija održana je 10.2.2026. godine, sa početkom u 11 sati, i trajala je do 11:26h.

Rang-lista ponuđača nakon završene E-aukcije je sljedeća:

R/b	Naziv ponuđača	Cijena ponude prije E-aukcije	Cijena ponude nakon E-aukcije
1.	EURO DAM JAS d.o.o. Lukavac	68.716,24 KM	47.500,00 KM
2.	PGL PROTECT d.o.o. Lukavac	79.072,00 KM	47.900,00 KM

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima utvrđenim u Tenderskoj dokumentaciji.

U postupku ocjene provedenog postupka, rukovodilac institucije nije našao nepravilnosti niti propuste u radu, koji bi bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač EURO DAM JAS d.o.o. Lukavac dostavio ponudu u skladu sa zahtjevima iz tenderske dokumentacije.

Shodno navedenom, sukcesivni red ponuda je sljedeći:

	Naziv / ime ponuđača	Ponuđena cijena bez PDV-a
1.	EURO DAM JAS d.o.o. Lukavac	47.500,00 KM
2.	PGL PROTECT d.o.o. Lukavac	47.900,00 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M. P.



GENERALNI SEKRETAR

Zoran Đerić

Dostaviti:

1. EURO DAM JAS d.o.o. Lukavac
2. GUMA VP 200 d.o.o. Mostar
3. PGL PROTECT d.o.o. Lukavac
4. Odjelu za ekonomsko-finansijske poslove
5. Odjelu za javne nabavke i logistiku
6. Komisiji za nabavke
7. Zamjenicima generalnog sekretara
8. Službi za odnose s javnošću (radi objave na web-stranici)
9. Arhivi